



SAKSPAPIR

Saksnr	Utval	Type	Dato
18/2021	Formannskap/plan- og økonomiutvalet	PS	09.03.2021
	Kommunestyret	PS	

Sakshandsamar	Arkiv	ArkivsakID
Kenneth Stokke		20/1243

INVESTERINGSMIDLAR TIL PROSJEKT PÅ STAMNES

Vedlegg:

Utvikling av stamnes sentrum sak 19 i 2018
Støtte til Stamnes Handel AS - uttale frå ordførar
Beskriving av prosjekt drivstoffanlegg
Beskriving av prosjektet kaiområde
soknad-2021-0038 (1) drivstoff merkur
soknad-2021-0039 (1) kaianlegg sendt merkur

Rådmannen sitt framlegg til vedtak:

Formannskapet løyver 700 000,- som midlar til omtala prosjekt i Stamnes sentrum. Dersom regelverk om offentleg støtte tillet kan denne summen aukast til 1 200 000,-. Pengane vert tatt frå tidlegare prosjekt Stamnes Sentrum (K40070) som har unytta midlar med same sum. Justering av investeringsbudsjettet vert gjort når vi ser kor mykje av midlane som vert nytta, og seinast i justeringssak i desember.

Formannskap/plan- og økonomiutvalet - Sak 18/2021

FPØ - Behandling:

Med bakgrunn i henvending til kommunen ba kommunedirektør Atle Fasteland om at saka vart utsett til neste formannskapsmøte.

Kommunedirektøren sitt framlegg til vedtak vart samrøystes vedteken.

FPØ - Tilråding/Vedtak:

Sak om investeringsmidlar til prosjekt på Stamnes vert utsett.

Saksopplysningar:

Vaksdal kommune har avsett midlar for utvikling av Stamnes sentrum, sist gong tilbake til 2018. Visar til sak 19/2018 som oppsummerar saka så langt. Ettersom det ikkje vart kome til einigheit med grunneigar i 2018 i det prosjektet har pengane stått unytta hos kommunen og har ikkje vore nytta til noko anna.

Styre i Stamnes handel jobbar no med å utvikle kaiområdet på Stamnes. Det er tankar om ein generell opprusting av området samt å etablere pumpeanlegg for bilar og båtar på kaiområdet. Visar til vedlagte beskrivingar av desse prosjekta frå gruppa på Stamnes som jobbar med dette, samt søknader som prosjektgruppa har sendt til Merkur-programmet. Merkur programmet er eit statleg finansiert tiltak for å støtte småbutikkar i distrikta med midlar for utvikling og fornying av butikkane.

Vaksdal kommune har 1,2 mill avsett til Stamnes Sentrum, ref omtala prosjekt frå 2018. Prosjektet for utvikling av kaiområdet på Stamnes er interessert i desse midlane for å kunne finansiere sitt prosjekt. Dei søker samtidig Merkur midlar og dersom både kommunen og Merkur gjer full støtte til prosjektet vil prosjektet komme over den lovlege grensa for 200 000 Euro i offentleg støtte i ein treårsperiode.

Det er imidlertid visse kriteria for kva som reknast som offentleg støtte. Regjeringa har lage ein veileder som byggjer på EØS artikkel 61 og den sett visse kriteria for kva som reknast som offentleg støtte. Desse er:

1. Mottaker av støtte er et foretak som utøver en økonomisk aktivitet (foretaksvilkåret). Her må det vurderes om mottakeren er et foretak, dvs. driver økonomisk aktivitet ved å levere varer eller tjenester i markedet.
2. Støtten er gitt av staten eller av statsmidler i enhver form Her må det vurderes om støtten er gitt av offentlige midler og om beslutningen om å tildele støtten er å anse som en offentlig beslutning.
3. Støtten innebærer en økonomisk fordel for mottakeren Her må det vurderes om tiltaket er å anses som "støtte", dvs. medfører at mottakeren får en økonomisk fordel, som den ikke kunne oppnådd under normale markedsmessige forhold. Det kan for eksempel være et tilskudd, lån eller garanti på gunstige betingelser, kjøp til underpris osv.
4. Støtten begunstiger enkelte foretak eller produksjonen av enkelte varer eller tjenester (selektivitetsvilkåret) Her må det vurderes om støtten medfører at mottakeren tilgodeses i forhold til andre foretak, som er i en sammenlignbar rettslig og faktisk situasjon.
5. Støtten kan virke konkurransevridende Her må det vurderes om støtten vrir eller truer med å vri konkurransen.
6. Støtten kan påvirke samhandelen mellom EØS-landene Her må det vurderes om støtten er egnet til å påvirke samhandelen mellom EØS-landene.

Det er spesielt punkt 5 og 6 som kan gjere at støtta ikkje rekanst som offentleg støtte. Det er stilt spørsmål til departementet om denne støtte fall inn under desse punkta men det er ikkje fått svar på dette. Departementet har imidlertid indikert at vilkåra i desse punkta er oppfylt og at støtta dermed må bygrensas til totalt 200 000 Euro, til saman frå Merkur og Vaksdal Kommune.

I søknaden frå Stamnes handel er det derfor tatt med støtte frå Vaksdal Kommune med 700 000,- og det gjer at totalsummen for støtte ikkje overstig 200 000,- Euro. Resten vert då finansiert med lån i prosjektet. Dersom departementet skulle konkludera med at dette ikkje er å rekne som offentleg støtte er kommunen innstilt på å auke beløpet frå 700 000,- til 1 200 000,-. Svar på dette er venta i løpet av året.

